


種痘新書

面分八卦之圖



江都寧陽張 瑛瑤氏編

受業曾衡波全泰



五臟面位之圖



心印堂脾在
肝在肺在
胃在脾在
大腸在
小腸在




吉面痘之位圖



乾宮先天方為吉
坎宮先天定然凶
艮宮先天三分數
震宮先天三分數
巽宮先天三分數
坤宮先天三分數
艮宮先天三分數
巽宮先天三分數
坤宮先天三分數
艮宮先天三分數
巽宮先天三分數
坤宮先天三分數

面痘之圖

凡痘圖面痘先出俱能閉毒初見急宜去之



兩額及眼上下先
 出舌唇口兩旁出
 舌先詩人中先出
 最吉天庭太陽承
 漿先出兩腮之上
 下二位水火交攻
 之處先出必面初
 見以燈烙之可減
 三分之痘

面部諸

一看天庭并太陽
四看喉吻定陰陽
二看唇口舌尖方
五看諸陽觀氣色
三看梁上梁下穴
六看週圍八卦方
仔細推算依法斷
神仙妙道自非常
天庭太陽若明朗
此痘縱變也無妨
二部痘磨如慘暗
十個孩兒九個亡
喉吻之中怕痘多
再加黑陷死來磨
飲食性喉難下嚥
七朝端的要南柯
舌尖一穴統心經
痘磨紫黑令人驚
再加舌有黑疔見
此兒三日見闍君

論部位

痘瘡初出紅點先察部位可知吉凶蓋人之面部左額屬肝木

也。右顴屬肺，金也。天庭屬心，火也。地角屬腎，水也。准頭屬脾，土也。正額者，太陽脉之所會。唇頰者，陽明脉之所經。兩耳後，少陽脉之所過。痘爲陽毒，故隨陽而先見之于面也。但陽明者，胃與大腸所經之地，故先于口鼻兩傍。人中上下，照耳元壽之間，先出者吉。若太陽者，水火交戰之處。少陽者，水火相併之衝，故其位而先見者凶。其起漿收靨，亦皆如是。至于頭，乃諸陽聚會之處。面爲五臟精華之府，咽乃飲食之道路，喉爲呼吸之要區。胸皆爲心肺所居之地。此五處最宜稀疎，切嫌稠密。蓋頭顱多者，謂之蒙頭。喉頭多者，謂之鎖項。胸背多者，謂之脯胸。覆背是皆險惡之症也。大抵蒙頭則視聽絕，而陽易絕。頸項稠密，則

血氣易衰。蒙胸覆背。則臟易傷。而神易失。所以爲難治。如兩頰兩頭。亦要界地清而顆粒明。若成一片如塗漆者。此肝熱盛而尅脾。肺留毒而內壅。其後必來泄瀉。而至喘嗽痰鳴。惟有四肢無碍。雖多亦不爲凶。以上諸症。若見治之之法。要清熱解毒。疏導榮衛。調和表裏。使血恬氣行。而能宣毒化毒。無無乾枯紫黑之虞。症之重者。亦可輕矣。

辨放標不必拘部位

標者。初見之點也。部位者。臟腑各部之位也。天庭屬心。地角屬腎。左額屬肝。右額屬肺。元壽屬脾。胃。右謂承漿。見點乃腎經出痘。爲不可治。天庭見點乃心經出痘。亦凶。惟兩頰及腮準頭。

見點最吉此其所以然者蓋痘毒原于相火發于命門理宜由相火以傳君火自君火再傳肝肺與脾毒之輕者其勢必緩循序而出猶源泉之水盈科後進必傳之肝肺始見點也故兩額及鼻俱點者吉若毒之盛者一湧而出若決江河不由科次其毒一發故即見于腎位次即見于心經此其所以爲凶也然毒之盛者多在發熱一二日即出或一齊湧出若熱來和緩至三四日始報點點出又甚粗肥則雖報于坎離二宮亦無妨若報太速或隱于皮下瑣屑稠密或一片紅毡雖兩額報點亦爲凶也

五臟見症治法

五臟者肝肺心腎與脾也。痘疹之毒發于五臟故五臟而皆見。症第取其尤者而治之。庶毒不鬱于其臟其臟乃不傷耳。如肝症甚則用藥宜走肝經。肺症甚則制方宜平肺腑。其餘則兼理之。斯可矣。試舉各經而條陳之。

心屬火。火性上炎而爲陽。故其位居于天庭。方廣之區痘出而天庭稠密則心經之毒盛無疑。法當清心而解毒。其麥冬連翹黃連硃砂不可不用。且心爲藏神之舍而謔語狂言搖頭驚搖皆是心家之症。然虛實不同。又不可以概論。如初發之時多爲實熱。屬寔熱者其唇必紅。其舌有苔。目多上視。口必渴。飲此火燥而神昏亂也。必宜清解爲主。然心與小腸相連。

而清心必須利水小便通而心火自降矣故清心之劑又宜
加以車前木通也若瀉膿收膿之際或有狂譫驚悸此時定
是心虛治當補血寧心凡歸茸遠志在所必投况心爲生
血之源毒爰附血而化治者宜觀血色血熱則涼而清之血
衰則補而溫之又當審機觀變而治也然天庭是爲純陽
此處不可先收若滿面未膿而方廣先焦則火烈心灰此症
斷然莫救治之必致無功即堂若見黑點則胸前舌上定有
疥傷觀顯可知其隱又不可不詳也

腎屬水性就下而爲陰故其位居於承漿地角之地痘出而
唇下光明知其液精充足雖多亦可無虞地角若形焦黑則

其腎源竭。何以成膿。再或兼之腰痛。則為腎敗無效。雖治亦為難救。然不忍袖手旁觀。法祇滋陰補血。方發之初。內服解毒養血之劑。喬荔歸芎元枝。故仲為佳。更以川甲雄黃為引。外刮生雞以敷腰痛。其亦或者能療出齊其症。不振用猪尾血與人參。又加麝香少許。痘將有水。則純用內托補腎之藥。而不可以緩也。但承癰有黑點。陰中必有疔。此又不可不知也。若諸部未潰。而地肉先壞。則腎竭源枯。其死必矣。縱有良醫。奚能救乎。倘陰囊腫脹。則腎毒外洩。不至內攻。有生理也。見此且莫慌張。只宜力為托毒收靨。之後再解膀胱之熱。以加味四苓散加赤芍。則其腫自退矣。

肝屬木而居左。左額是其位也。兩額紅而左額尤甚者。則肝熱盛而可知。法當清肝化毒。且肝以藏血。血不榮活。皆由毒鬱肝經。治此之法。而鬆肝活血爲宜。故芍藥丹皮必用。而紫胡生地宜施。再加紅花紫草。兼用紫花地丁。則兩額界地自明。至于痘生水泡。皆因肝盛尅土。脾土不能制水。故使水不成膿。是削肝又爲承漿之妙用也。但肝來尅土。又有瀉青之症。故健脾方中。加用白芍。則肝斂而泄自安。況肝木又生心火。木盛而火愈炎。故驚風顛癇。雖出心經。必伐木而心火乃平。矧肝統筋膜而司眼目。或手足牽引。目睛上吊。皆是肝經風熱。治此又必平肝。至于立方之化裁。全在良醫之妙用。必見

其症乃設其方不可膠固而不通也

肺屬金而居右右顙是其位也兩顙多而右顙更密者則肺經
毒盛堪知但肺主皮毛毒雖盛而藏亦淺故兩顙紅點總無
凶機其見症也多在咽喉咳嗽治之之法祇宜鬆肌解表理
氣寬胸而桔槔陳皮芩連荆防爲可用必痘盡出而咳漸減
痘起脹而嗽已除則毒不留于肺自是可以無慮若治之不
早至起脹而嗽愈甚則毒凝于肺勢必不可成漿迨至轉爲
聲啞則肺氣將絕其症亦云莫救是又不可忽也若寒戰亦
屬肺經虛寒又宜詳辨六日以前寒戰其或熱盛唇紅必是
肺經熱甚投以清金解表之藥其症可以立除七日以後寒

戰則肺寒。當補何疑。此際急施桂附。恐臟虛。痘致顛危。必非
退而肺乃安。但肺宜清。而不宜斂。斂則腠理不通。而毒何由
宣化。故未脹之時。而五味。柯子。凡斂肺之藥。不可先嘗。若膿
成之候。恐肺虛。易中風寒。故炙芪諸品。須秘勝以固肺。開肺
法。權衡斟酌。清補須要。因時始不至有悞也。

脾屬土而居中。元壽是其位也。此間見點百無一凶。但脾力
衛之樞。氣血賴其滋養。百骸悉望分糧。脾土堅強。則毒不致
陷。且易成漿。脾胃若敗。則五臟立虛。毒氣須臾伏陷。變症必
至。內攻。然痘毒方出之時。毒以胃管。雖吐亦非胃弱。則敗
亦屬胃。此際雖為甘熱。而石羔甘草。恐敗胃。亦不敢多。

或泄瀉毒奔騰治以安脾利水兼解其毒四苓散得其宜
如秘結脾燥雖酒製大黃微利然亦不可猛攻恐傷脾土之
元若瀉膿之候純以健脾為主但木能尅土慮肝盛或致損
脾故健脾又要平肝更念土雖尅水然水壅而上亦崩又宜
疏通水道水洩而脾乃寧故止泄又當利水只有升水之胎
白朮惟山莫用恐土燥而水不升將醫尤宜土旺補脾自見
良方前後治之得法用藥乃不差訛也

異症類

夫痘有吉凶症有生死吉者生而凶者死理固然也必先識其
吉凶乃敢決其生死論症豈可差訛況有似吉而凶似凶而吉

者。在不可不詳而辨之。使學者庶不誤也。

天根痘(生)

天根者。諸痘不起。惟天庭太陽起。灌也。蓋天庭乃諸陽之自。此處若起。則陽氣必旺。將漸傳次而起。十有九生。陽氣爲痘根。基天庭起者。其根本固也。故名天根而必生。

天空痘(死)

天空者。諸痘雖起。天庭曉星不起也。此必其陽氣已虧。不能灌。灌于陽會之處。卽諸部起者。必漸剝落而成空痘。故天庭不起。十有九凶。其餘諸痘。悉是虛花。故曰天空。

明創痘(生)

明明者諸痘不起而太陰太陽獨起也蓋太陽太陰乃日月光
華之地二處灌漿則陰陽之血氣俱盛故直達千日月高懸之
所日後諸痘豈至慘暗而不升故曰明明而生

明蝕痘(死)

明蝕者諸痘雖起惟太陰太陽不起也日月當明而不明猶如
天狗之蝕矣此處不明則氣血兩虧故不能充灌乎陰陽聚精
之位其後諸痘安能運化而無虞乎故以死而論也

海溢痘(生)

海溢者諸痘不一而耳後方圓一寸獨起也蓋此處屬腎名星
宿海此處升灌故名海溢海而充溢則腎經壯旺精髓已足而

血不虧故可治。

海枯痘 死

海枯者諸痘俱起惟耳後方圓一寸不起也此處不起其腎已敗若不調元補腎後變唇裂齒崩之症則難救矣。

有根痘 生

有根者地角方圓其痘起脹明潤如珠者十有十生蓋腎部明潤腎水足也腎為人之根本故曰有根。

無根痘 死

無根者諸痘雖好而地角之痘乾枯不灌及灰陷白陷者腎水絕也不治。

抱鼻痘

余遇是症未嘗不治

抱鼻者面部雖稀而鼻梁左右密如蚕種者名為抱鼻此毒聚于脾胃故也其症甚險

單鎖口雙鎖口

危

鎖口者嘴角有黑痘一粒而猶大者名單鎖口兩嘴角俱有黑痘者名雙鎖口皆惡候也主不食而死見此須宜剔破令出血以拔疔散敷之或可救此毒凝于胃也

鎖項托頭

危

遍身俱稀惟頸項稠密絕無界地不分顆粒者名鎖項竟至手顫者名托頭主飲食不進聲啞而死蓋頸項為陽道上升之要

樞毒凝于此則陽不能升焉有不死

猪頸瘰

瘰出而喉嚨及頸窩甚多者名猪頸必主喉痛咽爛不進飲食而死急用 豆根 玄參 桔梗 甘草 生地 川芎 歸尾 木通 牛蒡煎服緩則毒結于喉必難治也

兩頭瘰

自胸以上自臍以下俱有而中間一截全無者名兩頭瘰此氣血不能貫通于上下而腰臍之間恐為寒毒凝滯也若不急治七日之後必變灰白之症矣見點時急用 生芪 當歸

赤芍 桔梗 防風 厚朴 續斷 白芷 山查 木通

入黃豆三十粒服此中間有痘乃可無虞

逆痘 生

上身絕少下身絕多或從下身先出而升漿收結俱從下身先行此雖出於常數之外其實無妨

鬼捏痘 死

通身全無點粒各處一片紅青形若打傷之狀擬爲鬼所傷也故名鬼捏此症七八日內必死何用施治

鬼痘 險

手足胸背俱多而頭面全無者其痘如鬼不敢現于陽道也故名鬼痘又曰無頭痘此氣血不能上升故頭面絕無點粒急于

五日之內提氣上行令頭而略見痘點乃可不然諸痘雖出亦難起脹行漿卽痘無虞其後亦主曲池生翳鼻骨而死然四吸胸背俱稀者不在此例 治法宜用 升麻 川芎 白芷 防風 羌活 前胡 生芪 當歸 桔梗 甘草 筭尖生

蓋引

賊痘一死

初出便如菜豆過一日大如黃豆再一日大如龍眼其大甚速者是賊痘也此痘根窠與頂全無血色形雖起脹而按之虛軟痘中有此是爲閉毒之寇故以賊名其後必上下失血而死又有一種於將熱之時或初熱一二日間即于天庭太陽見癰

數點大如赤豆。光亮好看。過一二日。即收沒者。猶之賊欲攻城。陷地。先命一二細作。探其虛實。故名賊標。此標既沒。隨即大熱。攻作遍身之痘。必如鋪種。蚕種。不可救療。甚可畏也。凡見此症。俱急用銀針。破去其惡血。以拔疔散。敷其口。猶或可救。

蛇皮痘 死

頭面遍身俱無空地。狀若蛇皮。故以是名。必乾枯不能作漿。至十二三日而死。

昔余孫女出痘。如此發熱之時。寒戰咬牙。口氣臭甚。常如食物。余曰。此惡候也。急與解毒。用解毒湯。日進三四服。及痘出。密如蚕種。顆粒不明。乃用 前胡 川芎 丹皮 元核

紫葢茸 人中黃 連喬 牛旁 紅花 黃芩 連進散

服乃分顆粒其後加生芪白芷去人中黃紫葢紅葢黃芩等藥其水漸升乃用參歸鹿茸湯加丁桂白芷白芍次加白朮其漿乃足漿起之候竟似蛇皮落麵之際成片連皮而盡遍身如蛇退壳手足指印無一不落毛髮悉皆脫換其症果蛇皮也。善以治之亦竟安全可見不治之症亦勿藥而不治也。但症遇惡烈藥必猛攻而遷延觀望豈能救乎。

藥思痘險

初標紅潤至八九日忽變陷伏此必其人氣血虛弱而毒又盛庸人見其初標明潤而玩忽不治當藥不藥故有此變。或庸醫

審症未明。誤投藥餌。致有此變。皆爲患也。故名藥患。試觀此條。當顯名而思。其義慎勿潦草而治也。

九焦疽

天庭地角右額左額耳後胸背手足九處皆有一二點黑陷焦枯者。名九焦也。此臟腑皆滯留內毒。將漸遍身焦黑而死。誠不可治之症也。

伏陰疽

陰險甚。痘不灌漿而瀉膿血。此毒氣陰伏于內而不升出于外。故名陰伏。十一日死。但痘方不振之際七八日。上急用溫中內托。猶可救療。

〔空瘡痘〕 〔死然善治亦可救〕

痘雖肥滿內是乾枯全無血水乃空瘡也其痘硬者省錢空瘡症至如是其必死矣此等之症其氣雖盛其血必厥或又以前失于解毒致毒火內熾其血愈涸漿汁乃血之所化血枯故是空瘡

一兒出痘甚多體性又弱醫人不明氣血之理只謂保元湯乃治痘至穩之劑人參用去數錢其痘竟無漿汁請余往視余曰此空瘡也汝試以針刺之別破之痘俱無血水其家大驚余曰無妨此氣有餘而血不足也人參可以不必乃用 川芎八分 炙芪八分 當歸身二錢 鹿茸二錢 白芍一錢 白芷八分 大生地三錢

牛蒡 八分 川甲 四分 肉桂 八分 連進二服漿脚來矣乃去牛子
而又以補血爲君補氣爲臣其漿乃足而愈

石白痘 **死**

其痘四弦起而中落陷雖明亮好看內並無漿以手摸之其硬
如石形若石白故名石白此毒凝于表血潤于中不能運化其
症必死不可治也

茱萸痘 **險**

其痘不甚起脹四弦起而中略陷原有亂紋于頂上形若茱萸
名茱萸痘其後必空壞倒陷而死此毒盛而中氣又虛故痘頂
有紋而不尖圓也

一兒出痘如此諸醫皆云難治請余往視見痘中間多有黑眼
余曰此毒凝而氣不能升其毒將入臟腑急為解毒行氣猶為
可救蓋此時祇六日也乃用 川芎六分升麻六分生芪六分赤芍六分
牛子錢連翹錢黃芩分黃連分虫退个白芷分甘草分外以楊
柳水洗之連服數服其痘漸圓淨紋與黑眼俱無其後以補氣
為君補血為臣治之竟愈余治此症甚多其先必須解毒行氣
藥更紋乃可除也

痘險

蟬吮其汗而痘內生蛆故其痘痒甚用針挑去蛆虫自愈或用
柳條葉鋪于牀上令兒睡臥其蛆自出此亦毒火留于皮膚

故有此症猶之腐草生螢之義也

血痘 死

初出血點其色紅紫七口之內斷其必死 又遍身如珠筆點者內根已腐外苗必萎無生理也

血泡痘 險

滿泡通紅其內是血故名血泡此血熱毒熾不能運化以成漿故有此症急宜涼血清毒為主用 生地 赤芍 紅花 紫草 丹皮 牛子 薄荷 白芷 弱者加入參 身熱加 前胡

血靨痘又名珍珠痘 生而甚佳

痘出稀少四五日胖如黃豆七八日帶血而腫十日落痂痂若明珠故名珍珠痘此氣血充足而毒又稀故隨出隨結而不及醱膿也此痘最佳百無一凶而且主貴

白漿痘

死

古以死論愚斷險也

初起發時瘡頭即有白漿其後必成灰白痒塌而死蓋漿必由脚而起乃爲順症此毒泰陽分而陰血不能運化故不久而即陷伏也但初起之際間有數點卽刺去其漿旋有此者又刺之時時瞻顧不可怠玩內服千金散大補氣血而乃可無虞若偏身如此則難治矣

西園痘

死

其痘出後四圍又旋出小痘。崇禎本痘者乃四圍也。後必串成一痘而爲水泡不可治也。但此痘僅見于手足者則無妨。若遍身如此其死必矣。

漏痘險 古人斷死

痘未成漿頂上有孔漏出汁水堆聚而結形若癰頭俗呼漏痘。此因表虛不能養漿故不傷而自潰也。急宜補氣健脾胃其肌肉乃可救也。若遍身俱潰則必死矣。須用人參炙芪當歸官桂川芎白朮白芷炙草丁香淮山加龍眼蓮子同煎。

駐痘險

痘有小孔如針嘴大似馬蛙之眼故名蛙痘此腠理不秘乃有是症若不急治大泄元氣必成灰陷而死須用人參 炙芪 當歸 炙草 桂心 丁香 加荔枝爲引必孔秘而痘乃起脹行漿也

瑠璃痘 又名隱血痘 險甚危

痘雖光亮全無血色明若瑠璃擦即破內俱清水而或出血總無膿漿此氣血不能運化毒氣而然也後必青啞而死痘若起脹見有此等急取其尤者而刺去其水再用寶漿散 人參 黃芪 當歸 鹿茸 白朮 淮山 山查 扁豆 白芷

炙草 加黃豆四十九粒

赤萍紫萍白萍

皆死

瘡出之後形若浮萍連片虛浮不分顆粒又無起脹之勢其色赤者各赤萍紫者各紫萍白者白萍余見此症十無一生不必施治

草尾珠

生

遍身俱陷惟尻骨一圓飽滿潤澤其明如珠猶之草尾露珠也故以是名蓋尻爲腎部此必腎強精髓充足急用內托之劑則遍身之瘡旋復起矣

黑痘

死

瘡毒隨血而出毒盛血熱之甚故其痘乃黑也此必死之症古

方雖有數條總以涼血解毒為主始載于後以脩泰用

初見黑點在皮膚之間者用硃砂冰片生黃 或用猪尾血

調入牙散好酒同服

初出點必黑者用紫草茸二三錢好酒調服

又皮膚發青紫紗者用紫草一錢紅花京芥防風牛子黃

甘草三分麻五分木香三分

又黑浪併黑靨者用瞿退五个紫草茸一錢

又黑如煤炭血不紅活者用紫草紅花生地牛子赤芍

又黑而軟者氣弱而血熱也用保元湯加紅花紫葢生地

又焦黑者氣熱燥者用少無此散十加紫葢生地紅花犀角

調服

氣血兩收痘

死

近看猶如小葵花遠望胭脂甚可誇臨漿清水無膿汁古聖名醫束手嗟

復出痘

險

有等痘出甚稀依然起漿收靨究竟皮膚之內有痘未出儼後頤下發毒而死此皆元氣虛弱不能送毒故也凡痘出稀者須用撫子照之若皮下隱隱有熱是痘未盡出宜急用千金散凡散托出其痘方可無虞

雲翼子二十八般怪痘

丹雲繞頂

遍身痘俱好惟頭頂一片通紅也此虛火上升故

耳宜滋陰降火通利小便則火瀉下行矣

紫雲貫頂

遍身痘好但頭頂一片焦紫陷伏者不治此毒凝

陽分陽氣莫升不久而皆陷伏也若不焦紫于帽而不起者則非此症蓋頭為純陽足為純陰凡痘之起脹必下至于足而頭乃行漿收靨亦然

烏紗覆頂

頭上一片其痘皆黑逆皮膚俱有黑氣此元陽將

脫陽血已死救不治也

梨花漫頭

頭上一片俱白陷此元陽虛弱故也急用保元湯

加肉桂附子鹿茸川芎猶或可救

粟如磨 遍身痘俱好惟脊及髓尾如粟之衆具爛難開者

此下元虛也宜大補湯以扶之

榴花遍野 諸痘俱好惟四肢紅紫而唇白如硃或硬裂者乃

脾肺二經 甚也宜用赤芍生地紫草牛子石羔甘草桂枝

與服可解

黑珠通體 遍身之痘盡皆枯黑四肢手足形若柴炭命在且

久不可用藥致入譏誚

楊花發枝 諸痘俱好惟手足灰白蓋手足屬脾胃是藥衛之

血氣虛也宜用人參鹿茸白朮黃芪丁香附子當歸肉桂枝

枝炙草 加煨薑引

見點辨症賦

痘初見點宜觀痘色榮枯一來便覺粗肥稀疎可必見點如露
瑣屑稠密堪知帶熱救瘡陸續出來雖稠密猶為可救一齊湧
出縱稀疎未必全生細細白頭如麻子乾枯硬作內攻形嗽秋
紅點如一粟焦萎定成憔悴勢肥粗蓬頂似佳苗而點子不紅
終白陷皮薄頭尖如美種葉莢紋起定空漿肌嫩則皮薄嬌紅
黃癢則痘成褐色入黑皮粗痘色必然慘暗是故嬰兒之肌肉
不同不可一例而斷只要綻突有神不喜煩紅乾燥色潤身清
十口症見點如珠如粟毛焦皮燥敷瘡或紫或焦雖然帶熱而出亦恐
內症密似針頭縱是陸續出來尤忌形如蚕種如麩也
麥壳如盾如疹

如疥。根集不立。脚地全無。犯此數端。皆云莫按點。出如同收。收惡烈。勝似蛇傷。一片紅。若鋪毡。神醫也。言不治。况或喫靈電。此症孰是能醫。未熟。生敷數點。俗名報痘。若還執。以不敷。此症便作疔。看先發塊。而後敷。瘡塊名痘母。而必生。先發瘡。而後發塊。塊名兒種。而難痊。避痘。避于隱僻。眼胞唇內。定多。因悶痘。悶于要處。胸心舌喉。皆不吉。順不畏多。逆嫌一點。冷疔先現。諸痘安敢張形。賊痘若生。諸痘豈能灌汁。辨症若得真詳。急宜別破。與灯燒。是以重症未平。痘雖出。而毒猶在內。透肌發散。尤加解毒。為良。便調人靜身。雖熱而毒已在表。補兼發散。仍以安表為先。設使內外症平。此候不須過治。再觀其候。審詳清補。何如。

見點認痘法

夫痘與蚊蚤所傷自異亦與癰丹瘡疥不同蓋蚊蚤所傷雖有紅點其紅必散摸之而不碍手癰丹乃浮游之火亦不碍手瘡疥乃肌肉之毒雖或碍手而皮必滿惟痘毒從骨髓而出又係精血所運故方出之時摸之自然碍手而且潤滑此痘所以異于凡瘡也

見點三日調治法

見點用藥與初發略同但初發之藥左發發而兼解毒見點之藥宜解毒而佐升提凡補滯辛熱之品此時猶不敢妄投故肉桂附子丁香于薑芡苡芎藭鹿茸鹿血白朮茯苓佳山東仁遠

智辨地黃香砂仁豆蔻柯丁五味一切溫勝之藥此際切宜慎
之卽用黃芪甘草亦用生而不用炙。若藥用赤而不用白地黃
用生而不用熟。總慮其滯毒氣而助毒火以貽禍于其後也。

見點要令常期

夫人之一身皆統于五臟。故骨髓屬腎。筋脈屬肝。心主血脈而
肺主皮毛。脾主肌肉。而又司乎手足。蓋痘乃先天之火。其
毒發于命門。當命門毒出而始發熱。一日透于筋骸。二日出于
血脈。三日傳于肌肉。四日乃至皮毛。至于皮毛方見點也。故四
日而始見標者吉。若一日見點者甚凶。二日見點者亦凶。三日
見點者次之。古人謂一二日出痘者爲火裏苗。不治以毒火方

熾之時而苗卽見是不應出而出者皆爲不順之症也雖然不應山而出其症固重若應出而不出其症亦不輕此時急宜詳審慎勿袖手旁觀倘不急治則點子不見毒在內攻須臾告變不可救矣嗟夫自古方書皆詳于已出之後畧于未出之前深言山而稠密之危不言留中不出之禍不知已出之毒外寇也未出之毒內寇也速出而稠密者外攻也留中而不出者內攻也內寇與外寇孰烈內攻與外攻孰甚故痘已出而死者必在旬日之外未出而死者必在六日之中此余所以長顧深慮諄諄爲天下警也凡小兒發熱三四日而未見點者急用擦子照之其痘隱于皮膚之間者証歷可指辨其虛實熱而速治之

麻不致毒在內攻而速死也

若皮下點子紅紫其人唇紅舌苔臍下腹痛煩悶咬牙目赤口

臭者是毒氣壅盛滯于氣道不能出也急用升麻防風

川芎 虫退 牛子 連荷 黃芩 黃連 貝壳 麥冬

桔梗 陳皮 紫草 甘草 山查 川甲 前胡

若皮下之點不甚紫而其人聲重鼻塞咳嗽惡風迷悶不醒膈

起雞皮者是為風邪所閉腠理不通故不能出也然此二症必

以前尖于表解身無微汗故有此症若為風寒閉而不出者仍

用前方加紫蘇去荊運弱者加生芪用薑葱引熱服後以被

蓋片時令有微汗痘即見矣再用推拿法以鬆其肌表而痘

目出矣

若皮下之點不甚紅潤唇淡倦臥二便清利手足冰冷目閉無
魂者是元氣虛弱不能送毒故不出也急用補中益氣湯

人參 當歸 生芪 白朮 升麻 柴胡 陳皮 甘草

若無人參須加官桂 鹿茸

大抵痘之所以不出者惟此三者詳審而善治之自無有不
出也

見點順症

熱至四日于耳目口腮元壽之處先見數點者吉或兩額起點
者亦吉或面部未見而手足先見者尤吉此標從肝肺脾經

來也。惟手足元壽見者是脾經發痘。必主稀少。凡無一凶而
額來者是肝肺二經發痘。雖多寡不同。究皆可治。是以俱爲
順症也。

報點之痘。肥大皮粗。堅硬碍手者。吉。此元氣旺而毒氣少也。必
主其痘稀疎。始終無事。

痘作三四次。出到五日後。手足方纔出齊。頭面胸背以及頸項
俱稀疎者。吉。蓋面爲五臟之府。頭乃諸陽所聚。兩處若稀。則
五臟不留毒氣。諸陽悉得上升。且頸疎疎。則扼要之區不
截。胸背不密。則週身之血皆榮。各處稀疎。所以云吉。縱四肢
稠密。亦自無妨。

痘出遍身稀疏者上吉蓋痘少則毒稀其血氣必能運也故痘少之症百無一危

痘初出卽有起發之勢日漸起脹頭頂圓淨皮又粗老堅硬結實摸之碍手此元氣充足故然也此等終無變症

痘初出卽紅活潤澤光明可愛摸之潤滑脚有紅暈而不散漫痘與肉色紅白分明者佳此榮血週充必能化毒起脹灌漿悉可無虞

痘見點後潮熱漸減雜症漸退飲食漸進吐瀉皆止至五六日上痘齊熱退雜症全無飲食如常精神清爽者吉蓋毒盡出干肌膚而不少留于臟腑也又安有他虞乎

以上數條俱爲順症。用如此者。固惡出眉端。然亦要緊。風寒
節飲食。避脈穰。慎起居。軍酒不可多與。藥餌不可妄投。蓋痘
毒雖出肌膚。而臟熱未嘗盡退。氣血爲攻。毒氣陰陽未免不
寧。更慮毒臨肌肉表裏皆虛。此際若或不慎。而風寒穢氣所
衝。毒反倒戈內向。若或妄施藥餌。又恐另生他症。以致輕變
重。而順變逆者。深爲可太息也。余故不憚至再至三而叮囑
之。

一兒以痘身熱已退。痘又稀疎。起居飲食已如無事之時。人人
皆曰此順症也。不必服藥。余亦曰然。忽爲風寒穢氣所冲。身
復大熱。結胸咳嗽。至子失聲。余以 升麻 前胡 陳皮

桔梗 炒芩 連翹 防風 川甲 川芎 甘草 諸藥
與脈此時已七日矣連服二劑至八日遍身復出痘甚微客
余將前痘置而不理只以後痘爲主但理肺升提又用陳皮
桔梗 牛子 川芎 前胡 川甲 紫葢 白芍 山查
甘草 與服其後痘升漿行乃其嗽漸止其聲漸開而愈此
亦可爲不慎者鑒也

一痘出潮熱方退不可驟投辛熱蓋火煽雖息而餘燼猶存一
遇燥烈其火復炎煩燥狂謔之症不旋踵而至矣

一後生出痘至五日上醫人見其熱退悞投桂附其人遂發狂
謔鼻出血夜半請余往視聞其房中狂叫疑甚余取冷水

一痘進房卽噴其面其狂略定方得細觀兒痘雖淡紅而顆粒明朗知爲服熱所致乃以川連麥冬生地黃芩加百草霜磨犀角調定心散與服卽愈。

一見點之後毒之輕者其熱卽退毒稍重者熱略緩而不退也必至五六日上出齊其熱方退其痘若好雖熱無妨不可妄用寒涼以退其熱恐後難干起脹也。

一痘方出三四口上手足冷者不要驚慌蓋陽氣上達以送毒未及下行手足也必五六日上痘將出齊乃溫耳。

一痘未出齊其兒不食此是胃中有熱故不食也不可認爲胃弱而投煖胃之藥滯其毒氣貽後日之患也。

見點險症

痘既見點吉凶攸分。當知其吉宜識其凶。火裏蒸來痘方出而苗已槁。一齊湧出毒甚猛。其勢難療。至于天庭地角乃水火交攻之所。此處不宜先見鎖口欄門爲飲食呼吸之關。有痘即宜剔去。曉星報點非爲吉。賊疔痘現總皆凶。鎖項蒙頭毒發陽而截要瞞胸覆背痘逼臟以多虞。若夫點來沉隱是毒多而氣難送。痘色慘暗是毒盛而血不榮。界地不分是熱血散漫于皮膚不得附根而領毒治此須當涼血一片紅毡是惡毒積于肌肉不能出外以成瘡。遇此斷乎不治。如見黑癰青點紫血知毒已死。初出白頭不振氣血知其將亡。此等皆爲逆症。點來則用

預知其肥粗而起。愛其潤滑而粗顆粒分明。終爲吉兆。稀疎佈點百無一因。是以痘方見點。可決死生。豈待變症將危而始知其壽夭乎。

一諸痘未出。獨于印堂先見一顆者。名曉星報點。此痘能閉諸毒。急宜以燈烙之。但小兒畏燈。必然躲閃。須用銅錢一個。印于痘上。令痘從錢眼暴出。然後烙之。乃不差謬。

又承漿廣額先見數點者。此心腎二經之苗。必凶。又恐爲賊標之賊標。俱速以燈烙之。或用銀針剔破。吮去惡血。旋用拔疔散。方見九散篇敷之。亦可。此標一除。能減無許之痘。

一嘴角有痘曰鎖口。鼻孔邊痘曰欄門。二者皆爲凶痘。喉嚨之

痘主咽痛心窩之痘主煩悶凡耳後窩中頸項窩間有痘皆不吉或痘出不拘何處有獨大異常者非賊痘卽痘疔也能閉通身痘毒俱速宜去之

一兒出痘稀疏潮熱亦退余見天庭有痘二顆其大異常余曰此宜去之其家不信余言至次晚復來請余謂其兒潮熱復作煩燥驚譴痘皆變色余往剔去其痘以藥敷之熱退入安痘遂起脹勿謂此爲無害也

至四日上痘一見點則毒氣將達皮膚此時熱宜漸退諸症亦當漸平若熱不少減宜用清解丸次服散花丸

倘猶大熱煩渴悶亂不寧或點來瑣屑者其毒必重其痘必

多急進水藥一日須二三服以解毒湯為主方見初熱篇此際速爲解毒痘或可減若怠忽視之則鋪毡垂裡紫黑枯之弊至矣蓋四五日內正宜解毒若宜清不清遲延數日痘成焦紫而不敢用涼物之作何及乎

至五日上頭面胸背俱宜出矣至此猶隱于皮膚之內欲出而不出者謂之不快然痘出不快亦有數等或爲風寒所關或爲熱毒所壅或因元氣不足前已明辨其痘而立其方矣又有爲穢氣所冲而勢氣退縮痘出不快者其痘必痒急宜內服平和湯以托毒解穢外以紅棗沉檀乳香燒胡蘞之則破解而痘毒出矣古方用禁朮全燒余謂病貴潤澤而禁朮者

濕以此藥之恐致干燥之弊余故辨此以戒之。瘡以惡香而惡臭。臭清淨而惡污濁。一過厭穢則毒退。穢亂于肌肉之間。後雖托出亦輕。症變重。瘡稀繼多。余臨是症往往然也。可不慎乎。

平和湯

人參 黃芪 當歸 川芎 白芍 各四 防風 白芷 官桂

桔梗 沉香 乳香 檀香 藿香 生薑引

右方參芪歸芍補氣活血。以托毒。諸香解穢透肌。以達毒。除厭之藥。莫此為妙。

一夏月天炎暑氣所遏。痘出不快。以致煩渴。用此參桂湯。

或用五苓散 或神砂益元散用香薷煎水調服暑退而瘰
自出 凡小兒出痘之時痘毒達于皮膚宜熱氣透洩不可
包裹大甚鬱其熱氣余嘗見恒仰臥者其背必多頸時靠母
之腕者其項必密此皆氣血不行則毒必壅熱氣難洩則症
必多之明驗也况覆蓋既秘則內熱益盛而外莫洩或致鼓動
浮游之火而有夾丹夾癰之虞是又不可不知也

人參白虎湯

本方去人參即白虎湯

人參

五分 石膏 錢四 知母 五分 炙甘草 三分 加糯米一撮

五苓散

分陰陽利水道止
熱瀉之良方也

白朮

赤苓

猪苓

澤瀉

官桂

木通

加干葛生薑引

神砂益元散

滑石飛過甘草一兩神砂五錢 余加車前木通牛子

凡治傷暑總宜利水蓋暑不可發亦不可下當從小便解瀉也

有因嚴寒冷氣所侵以致肌表不溫而痘出不快者其必皮膚

栗起時作戰吟用陳氏木香散或用五積散或麻黃桂枝湯

主之

陳氏木香散共為末量見大小與之

木香 腹皮洗淨赤苓 前胡 青皮 法夏 丁香 柯朮

炙草各二錢 肉桂一錢 加紫蘇二錢

五積散

川芎 當歸 白芍 茯苓 人參 陳皮 蒼朮 厚朴

炙草 半夏 白芷 桔梗 加乾薑 肉桂 麻黃

麻黃桂枝湯

麻黃 桂枝 乾薑 炙草

或因以前勞力傷神以致元氣虛弱而出不快者宜用補中益

氣湯加官桂與之

或因初出時吐瀉過甚以致脾胃虛弱而出不快者宜用理中

湯 若瀉未止加茯苓豆蔻柯子

人參 白朮 炙草 乾薑 加官桂

或因前有房勞以致腎虧而出不快者多有腰酸腰痛宜用

人參 生芪 當歸 川芎 元支 白芍 杜仲 故芷

續斷 枸杞 肉桂 炙草 或煩渴者加麥冬連翹

或痘正出時忽然中風眼目直視牙關緊閉者不可用驅風疎

藥急以薑附湯濃煎灌下令出微汗即愈附子

或又熱症又形虛症又見是元氣不虛而毒氣猛烈而痘出不

快者解毒既恐傷元扶元又恐助熱此涼熱俱忌之症最難

措手必用頂方剖雞敷臍以托之其痘自出余遇此症屢用

是方百無不效

至五六日痘當出齊凡看痘齊與否必以腳心為驗腳心有痘

則出齊矣然痘稀少亦不拘此總以熱退而痘為出齊也

熱極難離四肢有痘終恐未齊不可謂毒輕痘少而謂不
意也

一兒痘出疎甚四肢俱有所出之痘。又皆起脹。但熱不退入漸
浮腫。時至八日。其熱與脹愈甚。乃請余往視。以燈照之。皮下
又無點粒。余思痘稀則無熱。熱則毒留于中。余乃以內托之
劑與服。其熱稍輕。連進二三服。然後復出其痘甚稠。及痘出
齊而熱退人安。

又一兒痘齊熱退。但人不寧靜。不肯眠于床上。必向地上。揭衣
覆睡。晝夜如此。余思此必火伏中州。其腹中熱。故必欲覆于
地也。余用頂方。仍割雞敷臍。復托出痘一層。其兒乃安。

又一兒痘出一半忽不能言語手足冰冷目閉無魂面青唇白氣息俱涼余曰此厥陰症也一時無參且不能進藥仍用頂方以雞敷臍之法連換四雞其痘乃齊其人方愈

又一兒痘出甚稀潮熱亦退但其體性怯弱余見週身之痘未上百顆此毒輕痘少何足介意且其家又貧遂未用補至十日上其痘將靨忽然咬牙寒戰乃用桂附理中湯連進二三服其空地忽出小痘然時日已緩不能成漿後手足心胸俱發癰毒反用去人參二三錢其兒又受餘毒之痛楚皆忽而失補之過也可不慎乎

夫痘毒之輕重氣血之虛實要皆畢著于痘瘡此由外可觀其內也痘既出見急宜觀痘之形察痘之色辨症立方速與調治預為起脹之計也

痘色慘暗不明者是邪火壅于肌肉之間而血不榮活也宜用

加味升麻湯

宜入中黃赤甘草更妙

升麻 防風 牛蒡 連翹 赤芍 川芎 當歸 紅花

紫草 甘草 天庭暗加麥冬黃連 兩額暗加丹皮黃芩

發熱一二日即見標者曰火裏蒸風若不急退其熱則苗稿矣用

清地退火湯

地骨皮 錢 地膚子 分 牛蒡 分 柴胡 分 紫草 分 干葛 分 連翹

赤芍

紅花各六分

木通一分

虫退二分

次服去芍藥

一方用秦艽以酒洗淨然後煎水與服

痘出大熱不退一切紅紫乾枯界地不分者皆毒壅血熱所致若不治必忽然焦痛八九日間必腹脹氣喘痒塌而死故見此症即宜清毒活血以涼血解毒湯或大成散治之

涼血解毒湯

紫草

生地八分

赤芍七分

紅花四分

防風三分

荆芥三分

黃連三分

生方

前胡

木通五分

人中黃四分

天麻三分

丹皮八分

川芎三分

右方以生薑糯米引弱者加生芪人參

大凡毒盛血熱之症不敢用當歸鹿茸等藥則印成直

大成散

川用

酒炒

甘草三錢

雄黃二錢

麝香二錢共為末

右方最能攻毒出膿。膿若痘出不快。與裏面不起。潮熱不退。

者用此立効。怯弱者人參煎水調服。狂語者麥冬、灯心。

車前木通煎水調服。痘紅紫不起者。紫草、紅花、赤芍、人中。

黃煎水調服。有虛寒泄瀉不敢用。

痘或一齊湧出。大熱煩悶。稠密難堪。痘反形焦而色此。此皆熱。

毒猛烈。而氣血凝滯。不能拘搗毒氣外出。以成膿。其不急。

治將變紫黑。一陷。決死于十二日間。甚則斃于十日之內。一。

見此症速宜活血調元透肌解毒宜用。

調元化毒湯

若無人中黃用甘草

生芪

錢一八分五赤芍

當歸各八分

牛蒡

連翹各一錢

黃芩

黃連

俱炒各五分

防風

荆芥各三分

桔梗

木通各五分

前胡各八分

生地

各七分

紅花

人中黃各三分

虫退三分

山查一錢

右方以參芪補氣歸芍紅地活血喬芩連解毒防荆蟬精

疏風達表最為穩妥有嗽加陳皮花粉實熱或四五日

內去參芪苓連亦當略減六七日來恐防荆散氣亦宜少減

或去之血熱者去當歸全要因時因症善於加減莫執成方

痘出稠密于柴不起身熱氣粗而譫亂驚搐時點額搖頭手足

抽搐此就驚風肝臟腑被肝木動而生風心火炎而驚風

此藥能治風濕熱毒攻內腑之邪宜用

烏金丸

蟬退酒洗

全蝎去尾甘草

糸草 白附

麻黃各五錢

川田一分

蟬退

二錢加木通

桔梗

柴胡

石羔

白芍

犀角

各二錢五分

共為末另將紫草紅花各一兩以好酒一碗慢火熬煎酒至半碗乃去渣將酒入蜜共熬成膏滴水成珠為度和前藥作丸如龍眼大珠砂為衣量見大小與之

痘雖見熱甚妻移巾壯熱煩渴唇口硬裂而痘紫黑不起者此由毒留脾胃治當內解脾胃之鬱外清肌肉之邪宜用

防風

白芷

紫草

甘草

紅花

生地

虫退

木通

川芎 赤芍等藥煎水調下小無比散治之

小無比散

滑石六兩 石膏一兩

甘草錢五 寒水石五錢 鬱金五錢 甘草水煎過焙干

右為細末量兒與服熱甚者加犀角磨水和前湯藥調此散

服 黑陷不起者加川甲二分麝香五厘紫草煎湯調下

痘初出有如雲霞突起紅丹遍佈者此浮游之火散漫于肌膚

之間以邪而亂正治當涼血解肌以退邪火須用

玄參升麻湯

玄參 升麻 甘草 加紅花 紫草 黃芩 荆芥

各痘初起外白者是毒凝于裏也當用此湯

三黃湯

黃連 黃芩 炒支 加紅花 紫草 人中黃 川山甲 人參

又痘有內白外黑者是毒滯于表也當解肌毒而活血

升麻湯

升麻 連翹 黃芩 乾葛 加紅花 紫草 赤芍

凡痘初出雖貴紅活然其紅也亦要明潤而鮮若紅而兼紫與黑者皆毒氣凝于血分以致痘瘡紫黑而成焦枯也總宜涼血解毒為主失此不治必成黑陷速用涼血化毒湯

涼血化毒湯

歸尾 赤芍 生地 木通 連翹 牛子 紅花 紫羅

山豆根 人人服過
為未調服

痘出頂上有茱萸紋者是毒凝而氣滯也。色不甚紅者用調元
化毒主之色紅甚者用涼血化毒湯加川芎以退防風若者
急治後必成空瘡之痘而死於十三日矣。

以上俱毒盛血熱之症。固宜清毒涼血。一用辛熱必轉惡。隨惟
清涼之劑乃對症也。然熱亦不可盡退。毒亦不可過清。若痘
轉紅活人稍安靜。即宜此清涼而漸進溫補。以為成漿之地
也。若過用寒涼。恐其熱變為虛寒。又更為可憂矣。一見出
痘稠密。其父素患驚風。知宜解毒。遂以芩連枝栝為清解。

其謬愈甚而狂亂矣請余往視余見痘色淡而不紫其身又不甚熱知爲內虛之症心血不能養神故如是之狂亂也雖僅五日亦當用補乃用人參黃芪炙草當歸棗仁硃砂人猪心血與服狂譫卽定又見其大便紅赤余曰此熱毒淫于腸胃也遂以人中黃牛子慈菴一服卽愈此亦過用清涼所致也學者切宜鑒之若五六日上見其便秘或黃而妄用下藥痘卽陷伏致不可救者又屢見也可不慎乎

一見點虛寒諸症

凡痘出而熱不退痘頂不起根窠欠紅若隱若見出而復沒者兼之唇淡面青雙眸不炯聲氣不雄此氣血兩虧不能點發

其毒也。若不急治，則毒陷內攻，甚則歿於六日之內。否則八
九日間必變灰白，痒塌而死矣。一見此等，宜速用千金內托
散，以托毒出外，而後乃能起脹。

千金內托散

人參五分 黃芪六分

六日前生用

當歸各一錢

白芍炒六分

川芎四分

官桂

炙草

各三分 山柰

木香

厚朴

防風

白芷

桔梗

各三分

薑棗引

又痘出雖稀，其痘與肉色無異，而根窠絕無紅暈者，此血虛而

氣亦不甚振也。宜用人參、黃芪、當歸、鹿茸、川芎、白芍。

又方用保元湯。

人參 黃芪

加當歸

川芎

紫草

紅花

肉桂

防風

初出之時痘雖不紅而相肥起頂者是氣至而血未至也又不可一槩以血虛而論至起脹時其腳自紅

又有痘出身涼不思飲食痘色灰白吐乳瀉清手足厥冷腹或脹痛者此純陰之症最為危險速用起死回生丹或異攻散救之

起死回生丹

丁香十粒 干薑一錢 水煎熱服被蓋片時令脾胃溫暖陰退陽回痘自紅活矣若吐瀉不止再用

異攻散

人參 白朮 茯苓 當歸 陳皮 半夏 厚朴 木香

丁香 肉蔻 柯肉 官桂 炙草 加薑棗引

右方調陰陽救表裏治虛寒吐瀉灰白不起但非虛極不可輕用

凡痘初出形貴蒼實而厚勢宜起脹而堅若皮薄而不蒼厚瘡軟而體不堅此皆毒在氣分或氣虛而不振也不急治之則必變爲灰白塌陷而或爲一包清水致潰爛不痂而致矣必于初出之時速以固陽散火湯治之

固陽散火湯

人參 黃芪 當歸 白朮 升麻 防風 連翹 木通

甘草

右方以參芪白朮補氣升防連喬入氣分疎通而解毒故氣旺不滯而毒得宣也

以上諸症俱是虛寒然痘色白者亦非可以概例或有熱毒鬱結於中使氣血不能舒暢而痘色亦起眈白者必解毒活血其痘乃紅不然三日後漸變紫色而轉焦枯矣然此實熱似虛者痘色雖白其人唇紅舌苔煩悶不寧宜以調元化毒湯治之方見前若虛症旣形而痘又白則必以補爲主凡痘初出卽有起發之勢者是氣血不虧而不滯也雖毒盛稠密亦可以治只怕隱乚在皮膚之間摸不碍手則毒盛元虧是難療矣

大凡看痘須看面部蓋面爲五臟精華所著面上之痘若好則臟氣充實毒不內留雖遍身稠密不起亦可以治

大凡痘至五六日上痘已出齊必要退熱若熱不退是可憂也蓋毒猶在內而未盡出于肌膚也若增大熱更可憂是毒中留將爲內攻其痘必爲焦枯也

痘出點來稠密其天庭地角雖然明朗而兩顙甚秘一片丹紅不分界地此毒在肝肺二經是爲逆症若不急治斯咳嗽失聲痒塌死矣已未年建邑最多此症余用前胡赤芍紫草茸生地丹皮牛子連喬川芎黃芩藹蘆木通甘草外用水柳草煎水屢拭其面其痘立卽轉色後普邑得外洗之法此

內外交攻之義也。又或以肥皂米搗水搽于痘上，亦能解毒活血，但更難于辨色耳。此皆屢試屢驗之方，不可忽而不用也。

（見點雜症）

痘毒方發之初，凡風寒暑濕俱先毒氣而出，故發熱之初，雜症甚多。若痘出齊，則餘邪盡退，雜症同當除矣。然亦或有未除者，非餘邪為亂，是痘毒為殃也。治者當以治痘為主，痘若起脹，諸症又烏有子故。一切雜症俱詳于發熱之篇，而是篇祇數條耳。驚搐譫語，見點之後，亦常有之。此皆痘未出齊，熱毒內壅所致也。痘若出齊，其症乃定，仍用鎮驚丸與定心散治之。古謂先

痘後驚爲凶者蓋以出齊後驚言也

腹痛前已辨明。但有痛而發厥其痘出不快者用蟬退去翅足

爲末每服一錢痘出自定。有煩燥叫痛者用芍藥防風湯

白芍 陳皮 升麻 防風 桔梗 川芎 枳實 厚朴

牛子 有大便秘結而痛者用大黃化毒湯 白芍二錢

厚朴一錢五分 陳皮七分 大黃一錢

嘔吐泄瀉最傷脾胃脾一虛必難起脹此際急宜詳辨虛實

而調治之其方已詳初熱篇

夾痧丹疹癰 正痘方出之時有夾痧夾丹夾疹夾癰而出者

不可不辨辨則點稍大而不紅此皮膚素受風寒也宜用玄

參升麻湯治之宜以玄參爲君藥

方見前

四則其點甚紅

而小粒粒佈若丹砂此乃皮膚入毒也治當以解毒湯加玄參爲君 因卽麻也其毒發於六腑亦宜清毒活血其法詳後麻症卷但麻痘齊出宜先治麻蓋麻毒屬陽其火更烈速宜升提清解先祛麻毒以治其標然後乃祛痘以行漿收靨况麻症易干收成痘前又宜解毒七日以前善干解毒則二症並行亦不戾也 圖則紅點隱于皮膚之間而不現耳

以上四者俱是浮游之火散于皮膚總以清解尤多加玄參一二服卽立退矣彼世愚夫愚婦不知此症疑皆是痘相顧驚慌醫者雖識此症不肯明言其故反謂其有刪痘之方以

聳一時之庸愚余深惡之故詳辨焉

灰水痘 水痘者亦在胎中其母飲食之毒或成胎而再受之火也其毒不藏臟腑所以不致傷生依然潮熱起水其形與痘無異但不灌膿亦無甚痂疵而易收結正痘未出或水痘先出或水痘與正痘並出者但水痘易干起水正痘必如其期有分辨耳正痘若好見有此等不必過慮特行家遇此則謂吾能去惡痘而復出好痘甚可惡也

疥痘 痘中有紫黑乾硬暴脹獨大脚無紅暈者卽疔也痘疔能閉諸毒未齊有疔則諸痘不能出現既齊有疔則諸痘不能起辰行變時有疔則諸痘必致倒陷其爲禍也豈勝言

哉。故初出之時，見有紫黑獨大之點，恐其成疔，卽宜以銀針刺破，吸盡黑血，然後以拔疔散方見九散篇敷其瘡口。次日

復看，若再硬脹，仍然刺破，以前藥敷之，必轉紅活，方可已也。若針挑不動，手捻有核，則成疔矣。須用針從四邊剗開，以小鉗鉗出，其形如疔，有半寸許長，拔去其疔，仍以前藥敷滿瘡口，乃可無虞。又手足四肢有痘，慘暗堅硬而甚痛，或外無痘而內有核，作痛者，亦痘疔也。宜以艾火灸之，卽愈。或以燈火烙之，亦效。若不急治，則其疔深陷，穿筋透髓而爛，見骨甚可畏也。又天庭有黑點，心窩舌上必有疔。地角有黑點，陰囊必有疔。兩額有黑點，兩腋必有疔。準頭有黑點，四肢必有

疔此觀顯可知其隱又不可不詳也。又治疔法用巴豆一
个去皮硃砂一分研爛點入一時即愈。

婦人出痘稀疎明潤似為順症但熱不退已而明潤者漸覺
慘暗其人亦煩悶不寧矣余詳觀面部見地角一痘紫黑將
焦乃命其夫察其陰中有痘疔否未幾其夫出曰陰戶之上
果有黑痘一顆其形甚大余曰是疔也仍教其夫用銀針剔
破鉗出痘疔以板疔散敷之其熱遂退諸痘悉皆潤澤起脹
而即愈矣凡遇是症不可忽也。

一兒出痘至六日上竊盜請余往視余造其廬則言已斃余觀
其痘稀朗而起乃自思曰此非死症胡為致死又見諸痘根

脚猶紅心口微溫余曰此兒未死須解衣視之見心窩中有一片余遂與之剗鉗拔去其疔將獨參湯漸口灌下不一時遂回陽而愈古謂逆痘點遂致殺人者是痘疔也一痘初出三五成群聚成一簇者俗謂梅花痘其後必連串一個不能成漿而爲水泡凡見此症惟四肢有者則亦無妨若其遍身頭面多有此痘則不治矣

痘瘡入眼

痘出之時有眼紅而不敢開者是眼中有痘也在

其眼白黑珠有痘亦自無妨只用情肝丸

方見九散篇磨水

蒸出藥性又用胭脂米研爛入藥水中頻頻點入又以藥渣敷于眼上數日毒散痘收自不傷目即用胭脂水點入亦可

小痘 痘之大者俗謂大痘小者名赤痘蓋以形而名也赤痘雖不甚起脹而尖圓可愛此乃毒稀之症故易齊易靨不如常期亦無恙也

余見有遍身之痘一齊湧出一齊起脹一齊收靨而無恙者然其痘自光明潤澤痘出熱退此氣血兩盛易于送毒故也

瀉痢 此皆熱毒下注大腸故有是症亦或值時疫所染而然也此時五六日上痘與痢症俱宜清毒活血用四物湯如琴連木香紅花木通則二症兼治矣此時若曾解毒至痘起漿用補亦不妨于痢也

見點逆症

凡痘初熱一日卽出者凶。二日出者次之。一齊湧出者不治。此皆惡毒猛烈。不由經絡漸關破壁而出。故如是之速也。此時急宜解毒涼血。猛以治之。若熱退毒清。猶可救也。不然必轉焦黑而死矣。

凡痘于天庭方廣印堂承漿先見點者。此痘出心腎二經。此固毒熱陽位。火臨水府。再加天庭地角稠密慘暗。則心腎受敗。水火交傷。如或唇紅目赤。色白痰鳴。則斷不治矣。

痘已出後熱一遍復出一遍者凶。

凡痘密如蚕種。或如釜中滾沸。而無縫者不治。

凡痘初出全不起頂。形如燈燒湯泡者不治。此氣血不和。毒無

出化也。九曰後必痒塌而死。

凡痘初出遍身之痘。猶如蚊咬者。不治。此毒氣壅于肌肉。不能透出。以成瘡也。必在十日內死。

凡痘初出。連肉通紅。不分顆地形。若紅毯者。不治。或以化毒湯加紅花。芩連紫草。辰砂。蘇木。治之。界地能分。則可救。否則必死。

凡痘稠密。其根窠絕。無紅暈。或紅而散慢者。不治。此氣不能領血。而血又不能載毒也。急以八珍湯治之。若紅活起頂。或可救。

凡痘初出。即白肌肉色。無異。久而不轉紅潤者。不治。

痘初出卽紫黑焦枯如乾疥瘡者不治

凡痘初出卽預陷中有黑點如針眼者不治此毒入臟腑不出也

凡痘初出卽含水珠皮薄易破者不治

凡痘初出皮薄色光明若瑠璃雖然好看而根窠全無血色一二日間卽大如菡萏者決不灌漿必成一泡清水八九日將破而死大補血氣或可救

一痘先於天庭不廣忽現賊標光亮好看倏然而沒者不治

一痘出而煩燥不寧腰腹仍痛口鼻氣粗點來紫黑者死

一痘初熱腰痛痘出而痛愈甚兼之標如蚕種煩悶不寧者死

六日問口唇青黑舌上生疔而死

一痘出不似痘形滿面血點如噴丹砂者七八日內卽死

一痘既出狂言如見鬼神好飲冷水點從腰上先出者不治

一痘初出未見痘形祇有紅斑如錦如霞者急用玄參升麻湯

或犀角地黃湯退之若不能退必死于六七日間

犀角地黃湯

犀角磨 生地 赤芍 丹皮 牛子 桔梗 升麻 玄參

防風 甘草

又有痘出而或青或黑猶如痣者或肌肉有成片青黑者俱死
又有痘出稠密唇唇崩裂鼻爛發癰者不治此毒攻脾胃大位

解利若下膿血十可救二

一痘出而舌捲鼻縮者死

一痘初出卽有紫赤之點大如菉豆現于兩腋及腹上者此肝肺與脾皆中毒也不過三日遍身之痘俱紫黑而死

一痘旣出後發無名腫毒者十有九死此毒氣不能洩之于瘡而故發此腫也較之餘毒發痘爲更烈耳

一痘旣出而吐瀉不止蛔虫從口鼻大便滾深而出者不治此脾胃已敗蛔不能安也雖極力健脾亦難補收

一痘渾身發紫泡刺出黑血者必死

一痘出斜視若有正視則無面如橘皮者死

一痘出形如蚕壳又似蛇皮者不治或以芎歸均氣治之若轉紅活尚或可救若不轉紅則血虧已甚斷不治也

芎歸均氣飲

人參 當歸 川芎 赤芍 防風 荆芥 青皮 木香

官桂 麥冬 薑引

一痘初出數粒于山根之上其色深紅而紫者凶此氣弱不能主血血與熱毒乘虛而犯上也宜用涼血化毒飲主之

涼血化毒飲

歸尾 生地 赤芍 木通 連翹 牛子 紅花 紫草 豆根

凡痘初出口中腥臭之氣勃上冲人者此肺中毒火熬煎肺爛潰爛故也急以清金湯治之如遲不救必變失聲喘急而卒

清金湯

知母 黃芩 石膏 桔梗 甘草 天冬 麥冬 地骨
木通 山枝 花粉

痘初出之時既含水泡或將起脹即帶膿漿或膿水未乾
然收靨比皆屏火太甚失其自然之序不應至而至謂之